

Tinea versicolor je gljivična infekcija koja uzrokuje bijele do svjetlo smeđe mrlje na koži.

Infekcija je česta, naročito u mladih odraslih osoba. Rijetko uzrokuje bol ili svrbež, ali onemogućuje tamnjenje kože, stvarajući mrlje. Ljudi sa prirodno tamnom kožom mogu primijetiti blijede mrlje, ljudi s prirodno svjetlom kožom mogu dobiti tamne mrlje. Mrlje su često na prsima ili leđima i mogu se blago ljuštiti. S vremenom se mala područja spajaju u velike mrlje.

Dijagnoza i liječenje

Doktori postavljaju dijagnozu tinea versicolor na osnovu izgleda. Doktor može koristiti UV svjetlo da se infekcija pokaže jasnije ili može mikroskopski pregledati ljuskice iz zaraženog područja.

Šamponi protiv peruti, kao što je 1%-tni selenov sulfid, obično izliječe tineu verzikolor. Ti šamponi se primjenjuju na zahvaćeno područje (uključujući kožu na glavi) prije odlaska na spavanje, ostavljaju preko noći i ujutro ispiru. Liječenje se obično nastavlja tokom 3-4 noći. Kod ljudi u kojih se koža nadraži, zbog toga liječenja, trebaju ograničiti vrijeme djelovanja šampona na 20-60 minuta ili moraju koristiti lijekove koji idu na recept.

Tek mnogo mjeseci nakon što je infekcija prošla koža može steći svoju normalnu pigmentaciju. Stanje se obično vraća nakon uspješnog liječenja, jer gljivica koja je uzrokuje, normalno živi na koži. Kada se stanje vrati, liječenje se mora ponoviti.

